

地方新聞

涉界

○杏行南甯開埠不必會商英領 (廣東) 粵督現承准外務部咨開接准英使來照以南甯商埠章程第二十條內載上貨運往出口若非用運照已完子口半稅之貨應將統稅收單呈驗云云以為此語之意不過將江邊商埠開埠通商口岸其府城仍視為內地之區蓋因南甯章程第二節第一條有指定界限所有界外仍係內地之語與濟南商埠章程相同難免令人以為中國政府名雖開此等處為通商口岸實乃有意攔阻與各國商務交易請咨行粵督暨西撫與本國領事將此項章程妥善改訂等因前來查南甯係自開通商口岸一切章程應由地方官自行妥訂送部核定作為試辦本無庸會商英領本部業經照復英使在案相應咨行查照體察情形將此項章程隨時酌量妥辦云云

○東三省礦產與鹽業之交涉 (東三省) 徐唐兩帥與蔡原總領事於上月二十六日會議礦產與鹽業一事已見本報專電茲將其所議詳情照錄於左(一)礦產問題所有全省礦產歸中日兩國合辦惟總辦須歸中國委派此外對於礦山課稅以產額五分納諸中國兩無異議所異者課稅之標準總督謂宜照售出市價科收而日領事則謂宜照原本科收也(二)鹽業問題關東州所製鹽業徐督允先將各卡扣留之鹽給還未定稅章以前准其運至內地售賣惟不得過七萬包並須酌納釐稅日本總領事亦無異議惟對於徐督所定運往日韓銷售之鹽每石須納出口稅四元五角則極力反對云

政界

○汴中官場戒嚴 (開封) 日前官場因接到安徽巡撫為巡警學堂會辦徐某鎗斃電信故近日汴中大吏非常戒嚴有密查官場是否有革命黨徒之說於舊日留學東洋者尤為注意云

○江督戒嚴再誌 (南京) 端午節自皖撫變起深恐徐錫麟黨羽通跡金陵除飭巡警總局憲兵部廣派得力兵士嚴密巡查外另派偵探多名四出巡緝又分派督標軍隊多起在城內外暗地稽查

○鄂督張協接以官賣煙膏之法現已由司局會議妥協煙膏亦勒限收歇惟武漢土商存貨甚多紛紛懇乞展限以恤商艱故鄂督特飭善後局會同江漢關道籌款收買俟官膏局發售有款後陸續攤還

○鄂督張香帥避因警察經費奇絀特飭善後局司道查照厘局章程所有武漢三鎮煙酒糖商於六月初一日起凡遇運貨報稅時每完稅一千元者隨繳警察捐百文刻已札飭各籌餉局遵照徵收矣

軍事

○伊黎電請添招新軍 (武昌) 伊黎在鄂募兵以實邊防會紀本報鄂督張協接近又接據長留守來電請再添招年在二十歲以內之兵士四隊派員帶往刻已行知督練處遵照辦理矣

○緝私砲艇告竣 (武昌) 兩淮鹽運使趙渭卿都轉前次派員來鄂製造砲艇五十艘以為緝私之用經該委員在新船廠訂造現已大功告成一律下水刻正製備帆旗不日即行赴淮

學界

○衍聖公晉省查視各學堂 (山東) 衍聖公奉 旨稽查山東學務現於本月初一日由曲阜抵省楊運帥率同司道親赴西關外捍石橋迎迓衍聖公以八旗會館為行轅於初二日先往高等學堂查視一切其餘各學堂日內再行次第往視

○開辦女工傳習所 (清江) 漢采女子職工學堂係楊新誠君及吳霜蓀女士教授現當暑假期內另借梓化女學開一漢采女工傳習所定額六十人每人學費四元專授機器衫襪及各項手工以一月為期已於初六日開學

○提學使講求理化 (武昌) 提學使黃仲弢近在優級師範並普通方言等學堂及什學館挑選於理化科學略有心得之學生二十人延往學館理化教習高桑君(日人)率領往湘攻察動植礦各物以資實驗由學務公所撥給旅費洋一千元刻已附輪首途矣

○審定學堂課本程式 (湖北) 鄂省提學使黃仲弢近以省屬各學堂所用課本程式參差不齊以致計分升級時稽查甚難刻特飭學務公所審定課本程式頒發各學堂照式備辦以期統一藉便查考云

○稟請興築烟鐵鐵路 (山東) 山東職商張德山張澤民趙德源黃斌等擬自烟台至濰縣築一鐵路經過蓬萊黃縣掖縣昌邑等處凡五百八十餘華里約計購地築路造車等費共需八百萬元業經發起各商合認四百萬元其餘四百萬元擬招股(每股五元)惟洋人不得入股現已擬定簡章十三條繪圖貼說稟呈上憲一俟批准即可興工

實業

○鎮江承志諸同學鑒 本堂自開辦以來先後同學者凡數百人自出校以後不特音問杳然消息既渺即姓名亦漸相忘茲因孫令調補江陰咨照公司所有繫脚錢等項一經免繳他公司亦得援例故此舉實業界關係頗大

雜紀

○紹興匪黨蠢動消息 (甯波) 近聞紹興府貴太守於昨日電稟提道兩憲以該屬地方近有匪黨聚集多人意圖起事當經提道密飭各員加意防範勿稍疏忽云

○督署緝獲革命黨 (南京) 督轅行營中軍米占元都戎初三日在督署照壁後一土娼家查有西裝短髮留學生一名向之盤詰頗覺支吾詢其住處云即在該娼家寄宿問以由安慶何日至此該生詞色間似甚惶恐遂將該生拘入督署稟明督憲暫發交江寧縣看管尚未知如何發落也

○東匪肅清不易 (山東) 曹州府舉辦清鄉東撫正擬以肅清入告不期兗沂兩屬又復迭出劫案現在東省可用之兵祇有先鋒隊數營大半駐紮曹州不能移動故該兩郡兵力極為單薄辦理頗形棘手云

○謀姦斃命案訊供之情形 (江西) 職官王鴻陸蔡濟襄金嘉禾同謀誘姦陳珣夫之妻斃命一案經府提訊各節迭紀前報茲聞此案經南昌府徐性臣太守初次提審始傳蔡金至花廳晤見盤詢蔡供云陳之妻來卑職家作客卑職適因患病與金在書室吸食鴉片不知陳之妻如何赴金家飲酒後及回家服藥水各節比時陡然聽見頗為驚異後始知被誣總須懇求大人昭雪等語旋又提審陳珣夫據供其妻前在顧姓家王鴻陸亦在顧家肆口笑謔有意調笑適為職聞見當即斥王不應無禮王亦笑謝及至金家飲酒之日職聞王亦在金家頗滋疑感情人往迎至夜深始回因當時面責妻醉後氣憤暗吞鴉片斃命太守詰問已否被姦則反覆申辯謂必無其事提審王亦供稱調戲一節實有其事謀姦則是外人謠言之詞云云三面均不承認未能定供擬俟下次再行鞫審云

○上高縣蛟發 (江西) 瑞州府上高縣鄉塘下地方於上月下旬連日大雨山上陡然發蛟平地水深數丈田廬禾黍多被浸沒並衝沒人口數名所幸幸數日水即流退故未成災云

○瑞州府獲匪被逸 (江西) 瑞州府日前經營勇在該郡境內捕獲紅江會匪黨三名搜出偽票証據解府拘禁固圍該匪等於夜間乘間逸去時因大風雨無人察覺次日查知已無及矣一時鄉間愚民聞之以為該匪等有五遁之術紛紛妄傳迷信難除足徵一班

○石碓開官呈報水勢 (清江) 鹽城之石碓開與湖水相連日前由開官奉少尉稟報水勢計北開塘下外河長平湖水深一丈九尺落平湖水深一丈七尺五寸塘上內河水深一丈六尺一寸東開塘下外河長平湖水深一丈六尺八寸落平湖水深一丈四尺三寸塘上內河水深一丈二尺九寸塘下比上平減水三尺六寸塘上減四尺七寸大約伏汛水漲尚無大碍也

○修濬小清河作罷 (山東) 日前連帥籌款八萬金擬濬小清河一節茲悉該款已挪辦他項要公此舉將作罷論矣

請看耳聾復聰奇功

家嚴年幾天命恒多耳病前自前年冬間患之聲交會神效上丹丸亦無微不中天師賜符咒及上海三馬路藥局所製百靈丸靈驗

鎮江承志諸同學鑒

本堂自開辦以來先後同學者凡數百人自出校以後不特音問杳然消息既渺即姓名亦漸相忘茲因孫令調補江陰咨照公司所有繫脚錢等項一經免繳他公司亦得援例故此舉實業界關係頗大